



IBSU

შპს - შავი ზღვის საერთაშორისო უნივერსიტეტი
ხარისხის მართვის სისტემის დოკუმენტაცია

სწავლის საფასურის გადახდის წესი

დამტკიცებულია მმართველი საბჭოს მიერ 22/09/2016 წ. - გადაწყვეტილება №1 (დანართი №1)

დამტკიცებულია

ქვემოთ მოცემული ხელმოწერები ადასტურებს, რომ აღნიშნული დოკუმენტი წაკითხული და მიღებულია.

ხელმოწერის ავტორები ადასტურებენ, რომ ისინი ნამდვილად ფლობენ წინამდებარე დოკუმენტში არსებულ ინფორმაციას და უზრუნველყოფენ მასში ასახული პირობების განხორციელებას.

მოამზადა:	იურიდიული სამსახური	
შეამოწმა:	ხარისხის მთლიანი მართვის საბჭო	
დაამტკიცა:	მმართველი საბჭო	

დოკუმენტის No: IBSU.R9G

ვერსია: 3.00

განახლების თარიღი

დამტკიცების თარიღი:

22/09/2016

შეუმოწმებელი ვერსია

შემოწმებული ვერსია

შპს-ს კუთვნილი დოკუმენტაცია.

წინამდებარე დოკუმენტით სარგებლობამდე, დარწმუნდით, რომ აღნიშნულ დოკუმენტს აქვს საბოლოო განახლების ნომერი.

ცვლილების შეტანის სურვილის შემთხვევაში, ხარისხის მართვის საბჭოს წარუდგინეთ დოკუმენტის ცვლილების მოთხოვნის ფორმა.

შინაარსი

შეტანილი ცვლილებები.....	3
ცვლილებების ნუსხა.....	4
მუხლი 1. საგანი და მოქმედების ფარგლები.....	6
მუხლი 2. სწავლის საფასურის გადახდის ზოგადი წესი.....	6
მუხლი 3. სასწავლო გრანტი.....	6
მუხლი 4. სწავლის საფასურის გადახდა დამატებითი/ჩაჭრილი კომპონენტ(ებ)ის/დამატებითი სემესტრ(ებ)ისათვის.....	6
მუხლი 5. სწავლის საფასურის გადახდის წესი სტატუსშეჩერებული სტუდენტებისათვის.....	7
მუხლი 6. სწავლის საფასურის გადახდის წესი სტატუსშეწყვეტილი სტუდენტებისათვის.....	7
მუხლი 7. ვალის არსებობის აღიარება.....	9
მუხლი 8. დიპლომის დუბლიკატის გაცემის საფასური.....	9
მუხლი 9. დასკვნითი დებულებები.....	9
მუხლი 10. ძალაში შესვლა.....	9
მუხლი 11. შესრულებაზე ზედამხედველობა.....	9

შეტანილი ცვლილებები

#	გადაწყვეტილების მიმღები ორგანო	გადაწყვეტილების №	თარიღი
1.			

თავდაპირველი რედაქცია: 22.09.2016- #1

ცვლილებების ნუსხა

#	თარიღი	მუხლი	შენიშვნა
01			

მუხლი 1. საგანი და მოქმედების ფარგლები

- 1.1. წინამდებარე დოკუმენტი განსაზღვრავს შპს - შავი ზღვის საერთაშორისო უნივერსიტეტის (შემდგომში - „შსსუ“) მიერ გაწეული საგანმანათლებლო და მასთან დაკავშირებული სხვა მომსახურებების საფასურის გადახდის წესსა და პროცედურას. აღნიშნული წესი არეგულირებს შსსუ-ს საბაკალავრო, სამაგისტრო და სადოქტორო პროგრამებზე ჩარიცხული სტუდენტებთან დაკავშირებულ ფინანსურ საკითხებს.

მუხლი 2. სწავლის საფასურის გადახდის ზოგადი წესი

- 2.1. სწავლის წლიური საფასურის გადახდა ორ ნაწილად ხდება. თითოეულ ნაწილის გადახდა სემესტრის დასაწყისში, აკადემიური კალენდით განსაზღვრული რეგისტრაციის პერიოდში ხორციელდება.
- 2.2. სტუდენტსა და შსსუ-ს შორის დადებულ ხელშეკრულებაში (R01F14, R01F30, R01F34) (შემდგომში „ხელშეკრულება“), შესაბამისი განსაზღვრების არსებობის შემთხვევაში, სწავლის საფასურის გადახდა შესაძლებელია განხორციელდეს ორზე მეტ ნაწილად.
- 2.3. სწავლის საფასურის გადახდა ხორციელდება უნაღდო ანგარიშსწორების გზით, ხელშეკრულებით განსაზღვრული წესის შესაბამისად.

მუხლი 3. სასწავლო გრანტი

- 3.1 სტუდენტები, რომლებმაც წარმატებით ჩააბარეს ერთიანი ეროვნული/ საერთო სამაგისტრო გამოცდები და კანონმდებლობით დადგენილი წესის შესაბამისად მოიპოვეს სახელმწიფო სასწავლო/სამაგისტრო გრანტი, ვალდებულები არიან გადაიხადონ მხოლოდ გრანტის თანხის გამოკლების შედეგად დარჩენილი სწავლის საფასური.

მუხლი 4. სწავლის საფასურის გადახდა დამატებითი/ჩაჭრილი კომპონენტ(ებ)ის/დამატებითი სემესტრ(ებ)ისათვის

- 4.1. ხელშეკრულებით განსაზღვრული სწავლის საფასური მოქმედებს რვა აქტიური სემესტრის განმავლობაში ბაკალავრიატის საფეხურზე ჩარიცხული სტუდენტებისათვის, ოთხი აქტიური განმავლობაში მაგისტრატურის საფეხურზე ჩარიცხული სტუდენტებისათვის და ექვსი აქტიური სემესტრის განმავლობაში დოქტორანტურის საფეხურზე ჩარიცხული სტუდენტებისათვის. მოქმედების ვადის ათვლა იწყება შესაბამის საფეხურზე ხელშეკრულების დადების თარიღიდან.

- 4.2. თუ სტუდენტი ვერ ასრულებს სწავლას პროგრამით დადგენილ ვადაში, დამატებითი სასწავლო კურსის/კომპონენტისათვის გადახდილი სწავლის საფასური შეადგენს შესაბამის პროგრამაზე პირველკურსელთათვის დადგენილი სწავლის საფასურის ოდენობას.
- 4.3. თუ სტუდენტი იღებს დამატებით/ჩაკრილ კომპონენტს სემესტრული 30 კრედიტის ფარგლებს გარეთ (ამასთან წლიური 75 კრედიტის ლიმიტში), სწავლის საფასური დამატებითი კომპონენტისათვის განისაზღვრება ხელშეკრულების პირობების შესაბამისად.

მუხლი 5. სწავლის საფასურის გადახდის წესი სტატუსშეჩერებული სტუდენტებისათვის

- 5.1. სტუდენტის სტატუსის შეჩერება (R03F05) შესაბამის სემესტრ(ებ)ში სწავლის საფასურის გადახდის შეჩერების საფუძველია.
- 5.2. სტუდენტის სტატუსის შეჩერება არ იწვევს ფინანსურ დავალიანებასთან დაკავშირებული სტუდენტის ვალდებულების შეჩერებას. სტუდენტის სტატუსის აღდგენა არ მოხდება ფინანსური დავალიანების სრულად დაფარვამდე (გარდა იმ შემთხვევასა, როცა არსებობს განსხვავებული შეთანხმება შხსუ-სა და სტუდენტს შორის).
- 5.3. თუ სტუდენტის სტატუსის შეჩერება (სტუდენტის ინიციატივით) მოხდა სემესტრის დაწყებიდან შვიდი კვირის განმავლობაში, სტუდენტი თავისუფლდება მიმდინარე სემესტრის დარჩენილი პერიოდის სწავლის საფასურის გადახდისაგან.
- 5.4. თუ სტუდენტის სტატუსის შეჩერება (სტუდენტის ინიციატივით) მოხდა სემესტრის დაწყებიდან შვიდი კვირის შემდგომ პერიოდში, სტუდენტი ვალდებულია სრულად დაფაროს მიმდინარე სემესტრის სწავლის საფასური (გამონაკლისი ამ წესიდან შესაძლებელია განისაზღვროს კანცლერის აპარატის გადაწყვეტილებით).

მუხლი 6. სწავლის საფასურის გადახდის წესი სტატუსშეწყვეტილი სტუდენტებისათვის

- 6.1. სტუდენტის სტატუსის შეწყვეტის შემთხვევაში (R03F58), შხსუ უფლებამოსილია სტუდენტისაგან მოითხოვოს გადაუხდელი სწავლის საფასურის დაფარვა. ამასთან, შხსუ უფლებამოსილია სტუდენტს დაუკავოს მისი პირადი საქმე (დედნები), ფინანსური დავალიანების სრულიად დაფარვამდე.
- 6.2. შხსუ-ს საგანმანათლებლო პროგრამის დასრულების გამო სტატუსშეწყვეტილ სტუდენტს დაუკავოს შესაბამისი საფეხურის კვალიფიკაციის დამადასტურებელი დოკუმენტი - დიპლომი, ფინანსური დავალიანების სრულად დაფარვამდე.

- 6.3. სტუდენტის ინიციატივით სტუდენტის სტატუსის შეწყვეტის შემთხვევაში, მიმდინარე სემესტრის სწავლის საფასურის დაფარვის საკითხი წესრიგდება დებულების 5.3 და 5.4 პუნქტებით განსაზღვრული წესის მიხედვით.

მუხლი 7. ვალის არსებობის აღიარება

- 7.1. რექტორის/კანცლერის გადაწყვეტილების საფუძველზე, შესაძლებელია გაფორმდეს ვალის აღიარების სპეციალური შეთანხმება (R09F01), გადახდის გრაფიკისა და სტუდენტის ფინანსური დავალიანების შესახებ.

მუხლი 8. დიპლომის დუბლიკატის გაცემის საფასური

- 8.1. სტუდენტის მოთხოვნის საფუძველზე დიპლომის დუბლიკატის გაცემის საფასური არის 35 ლარი.

მუხლი 9. დასკვნითი დებულებები

- 9.1. სტიპენდიებთან და ფინანსურ შეღავათებთან დაკავშირებული საკითხები განსაზღვრულია „სტიპენდიებისა და ფინანსური შეღავათების დებულებით“ (R33).
- 9.2. საკითხები, რომელიც მოწესრიგებული არ არის წინამდებარე დებულებით, რეგულირდება შსს-სა და სტუდენტს შორის დადებული ხელშეკრულებით, საქართველოს კანონმდებლობითა და შსს-ს სხვა დებულებების შესაბამისად.
- 9.3. დებულებაში შესული ნებისმიერი ცვლილება ან დამატება უნდა დამტკიცდეს მმართველი საბჭოს მიერ.

მუხლი 10. ძალაში შესვლა

- 10.1. წინამდებარე დებულება ძალაში შედის მმართველის საბჭოს მიერ დამტკიცებისთანავე.

მუხლი 11. შესრულებაზე ზედამხედველობა

- 11.1. წინამდებარე დებულების შესრულებაზე ზედამხედველობა განხორციელდება კანცლერის მიერ.

უნივერსიტეტის წესების შეუსრულებლობა დაუშვებელია. ყველა ვალდებულია იცნობდეს შხსუ-ს მიერ შემუშავებულ წესებსა და რეგულაციებს.

შხსუ ყველას თანაბარ შესაძლებლობებს სთავაზობს, განურჩევლად სქესის, რასის, ეროვნების, წარმომავლობის, რწმენის, საზოგადოებრივი სტატუსის, ფიზიკური, გონებრივი, ემოციური სხვაობისა და სწავლის განსხვავებული უნარისა.

გამოსცა:

შხს - შავი ზღვის საერთაშორისო უნივერსიტეტი
დავით აღმაშენებლის ხეივანი, 13 კმ., 2, 0131
თბილისი, საქართველო
www.ibsu.edu.ge
contact@ibsu.edu.ge

